

К кому возопию, Владычице;/ К кому прибегну в горести моей/ аще не  
к тебе Царице Небесная;/ Кто плач мой услышит и воздыхание примет,/  
аще не ты, Пренепорочная, надеждо христиан и прибежище нам грешным;  
Кто паче Тебе в напастех защитит; Услыши стенание мое и приклони ухо  
Твое ко мне, / Владычице и Мати Бога моего. Не презри ищущаго Твоей  
помощи/ и не отрини мене грешнаго, Царице небесная./ Научи мене волю  
Сына Твоего исполняти/ и даруй желание Того святыя заповеди творити./  
Роптания же моего ради, в скорбех бывшего,/ не отступи от мене, но  
пребуди ми маловерному покров и заступление./ Твоим ходатайством  
прегрешения моя покрый, / от видимых и невидимых враг защити,/  
сердца враждующих на мя умягчи и Христовою любовью сия согрей./  
Мне же немощному даруй Твою всеильную помощь,/ во еже греховныя  
моя страсти препобедити, / да покаянием и жития моего добрым ис-  
правлением очищен быв,/ прочее время земнаго странствия моего/ в  
послушании Церкви Сына Твоего без порока прейти сподоблюся./ В час  
же кончины моей предстани мне всех христиан упование сущи,/ и веру  
мою во оный тяжкий день утверди,/ а по отшествии моем всеильную  
молитву Твою о мне вознеси,/ да помилует мя Господь/ и причастника мя  
Его безконечных радостей да сотворит во веки веков. Аминь.